

**Tɔnɔ kɔlɔ Pooli na pɔpɔni o pa
KOLɔSI TIINɛ tin
Tɔnɔ kɔlɔ Pooli na pɔpɔni o
pa Kolɔsi tiinɛ tin na bri
dɔbam kɔlɔ tin mu tuntu**

Pooli deen pɔpɔni tɔnɔ kum kuntu o pa We noona balu na zɔuri Kolɔsi ni tin mu. Kolɔsi deen yi lɔgu kɔlɔ ba na bæi ni Azi-balaŋa tin wɔ tu dɔɔba mu. Ku yi nɔneeni kilometra biə-yale mu te di Efɛɛzi. Ku nan dai Pooli titi mu tɔɔli We kwɛrɛ di ba, ku yi Epafrasɔ wɔlɔ na yi Kolɔsi tu tin mu tɔɔli We kwɛrɛ di ba, yi ba se Zezi Krisi (Kolɔsi 1:7 di 4:12).

Manja kalɔ Pooli na wɔ pɔna digɛ ni Rom ni tin (Kolɔsi 4:3), mu Epafrasɔ ve o te o ta o bri-o noona badaara na jaani vwan zaasɔm ba zɔ Kolɔsi tiinɛ bam wɔni, yi ba bri ni, noonu na lagi si o na vɔm lwarɔm wɔni, o manɔ si o taa zuli wo-yɔɔru si o daari o se ti ni mu. Ba ta ma wɔ, ku yi fifiɔn mu si ba se cullu tɔdaara mu, si ba daari ba pa ba go-ba ni Zwifɛ cullu tin na bri te tin, si ba kwɛri ba se cullu tɔlɔ na bri ni n wɔ manɔ si n di kuntu naa n nyɔ kuntu tin.

Kuntu ŋwaanɔ mu Pooli pɔpɔni tɔnɔ kum o pa-ba, si o maa bri-ba kwɛrɛ kalɔ na yi cɔga tin, si ba yi se vwan karanyɔna tiinɛ bam. O ma ta di ba ni, Zezi na vɔri-ba tin, ba sunɔ ba na vɔm fasɔ mu, si cullu mu bá wanɔ ti vɔri noona ti yagi. Ku yi Zezi Krisi ŋwaanɔ mu Baŋa-We ki lɔgu, wɔm mu yi woŋo maama yigɛ tu, yi ku yi wuntu ŋwaanɔ

mυ We ta wó vri nabiinə DI yagɪ. Kυ yi n na kɪ n wɔ-dɪdɔba dɪ Zezi mɔ nɪ na vrim (pɔɔrim 1-2).

Pooli ma daari o pɔpɔni o brɪ-ba, ba na wó ta ηwɪ te ηwɪ-dɔŋa kalɔ We na pɛ-ba Zezi Kriɪ ηwaanɪ tɪn wɔni, sɪ kɔlɔ maama ba na wó kɪ tɪn taa yi ba Yuutu Zezi yɪri ηwaanɪ (pɔɔrim 3-4).

Pooli deen tɔŋɪ Tisiki dɪ Onisim mɔ, yi ba ja tɔŋɔ kɔm kɔntɔ ba vu ba pa Kolostɪ tiinə bam.

¹ Amɔ Pooli wɔlɔ We na kuri dɪ DI tɪtɪ wɔbɔŋa sɪ a taa yi Zezi Kriɪ tɪntɔŋnɔ tɪn mɔ pɔpɔni tɔŋɔ kɔntɔ, yi dɪ ko-bu Timoti tɔŋɔ o wɔli-nɪ.

² Dɪ pɔpɔni sɪ dɪ pa abam balɔ na yi We nɔɔna yi á zɔvri Kolostɪ nɪ tɪn. Abam mɔ yi dɪ ko-biə balɔ na kɪ á wɔ-dɪdɔba dɪ Zezi Kriɪ tɪn.

Dɪ Ko We wó pa abam yazurə dɪ yu-yoŋo.

Pooli na kɪ We le ba ηwaanɪ te tɪn

³ Maŋa maama dɪbam na yəni dɪ loori We dɪ pa abam, dɪ taá kɪ DI le mɔ abam ηwaanɪ. Dɪntɔ mɔ yi dɪ Yuutu Zezi Kriɪ Ko.

⁴ Bɛŋwaanɪ dɪbam nɪ abam na jɪŋɪ wɔ-dɪdɔba dɪ Zezi yi á kwəri á soe We nɔɔna bam maama te tɪn.

⁵ Bɛŋwaanɪ, abam na de yigə á nɪ We kwər-ywəŋə kam tɪn mɔ pɛ á jɪŋɪ tɪna nɪ á wó na wənu tɪlɔ We na tɪŋɪ DI sɔŋɔ nɪ abam ηwaanɪ tɪn. We kwər-ywəŋə kam kɔntɔ mɔ yi kalɔ na sɪni ka yi cɪga tɪn.

⁶ DI kwər-ywəŋə kam kɔntɔ laan jagɪ ka yi lɔgɔ baŋa je maama yi ka kwɛ nɔɔna lanyɪranɪ, nɪ ka na jagɪ ka yi abam te yi ka kwɛ abam te tɪn. Kɔ

zıgı maŋa kalı á na pulı á ni Wε kwəɾə kam yı á lwarı Wε zaanı dım na sını dı yı cıga te tın.

⁷ Kɔ yı Epafrası dɛɛn mɔ brı abam Wε cıga kam kɔntɔ. Wɔntɔ mɔ yı dıbam ko-bu-sono, yı o tɔgı dı dıbam o tɔŋı dı o wɔ maama o pa Zezi Krisi abam ŋwaanı.

⁸ Wɔntɔ ta mɔ tagı o brı dıbam Wε Joro kɔm na pɛ abam jıgı da-sono te tın.

⁹ Kɔntɔ ŋwaanı mɔ dí yəni dí warı Wε maŋa maama dí pa abam, kɔ na pulı maŋa kam dí na ni á wɔŋo kɔntɔ tın. Dí loori-DI sı DI pa á taá ye DI wɔbɔŋa na lagı kɔlɔ tın, sı DI daarı DI pa á na swan dı yəno maama nı DI Joro kɔm na paı te tın.

¹⁰ Kɔntɔ, abam laan wó wanı á tɔgı cwəŋə sı kɔ maŋı dı dí Yuutu wɔm na lagı te tın, sı kɔ pa o wɔ poli á tıtɔŋa maama ŋwaanı. Dí loori Wε sı DI wəli abam sı á taá kı tıtɔŋ-ŋɔna dwi təri təri lanyıranı, sı á fɔgı á lwarı Wε á wəli da.

¹¹ Dí nan ta loori Wε, sı DI ma DI dam-fəɾɔ kɔlɔ na dwe maama tın DI wəli abam sı á wanı á fɔgı á zıgı kəŋkəŋ, sı á kwəri á taá jıgı wɔ-zuru, sı á taá kwaanı á ve yıgə wɔŋo maama wɔnı.

¹² Á taá kı dí Ko Wε le dı wɔpolo, bɛŋwaanı dıntɔ mɔ pɛ abam cwəŋə, sı á tɔgı á na wo-laaru tıɔ DI na tıŋı sı DI pa DI nɔɔna bam tın jəgə kalı na yı pooni tın wɔnı.

¹³ Dí Ko Wε mɔ lı dıbam lim wɔnı, sı wo-lwaanɔ daa yı taa wai dıbam. DI ma daarı DI pa dí zɔ DI tıti Bu-sono kɔm paarı dım wɔ.

¹⁴ Kɔ nan yı DI Bu Zezi mɔ kwe o ŋwıa o ma ŋwı dí lwarım jıni, o pa Wε yagı-dı DI ma cɛ

dıbam.

Zezi na yi wolv di o na tıñi kulv tın

¹⁵ Zezi yi Baña-We dılv nabiinə na ba nai tın nyınyugv mu. O yi We Bu-dba mu. Wuntv mañı o wura mu kv loori wəənu tılv maama We na kv tın.

¹⁶ We de wuntv ɲwaanı mu DI kv wəənu maama, wəənu tılv maama na wv weyuu nı dı tıga baña nı tın, tılv nɔɔna na nai dı tılv ba na wari ba nai tın, kv na yi malesı dı wəənu tılv maama na jıgı dam yi tı dı paarı nabiinə baña nı tın. We de Zezi ɲwaanı mu DI kv tı maama, sı kv pa o na zulə tı baña nı.

¹⁷ Zezi mañı o wura mu pulim nı yi kulvkvlv daa ta tərə. Kv yi wuntv mu paı wɔɲo maama zıgı kv jəgə nı lanyıranı.

¹⁸ Wuntv mu yi o nɔɔna bam yuutu, yi ba kɔgɔ kum nyı dı o yıra yam. Wvm mu pulı o kɔgɔ kum kuri. Kv yi Zezi mu de yigə o bi o yagı tıvı. Kv ma pa o yi yigə tu wɔɲo maama wıvı.

¹⁹ Beɲwaanı kv yi We tıtv wɔvɲa mu lagı sı DI Bu Zezi taa nyı dı DI tıtv fastı.

²⁰ We ı wɔvɲa mu, sı DI da DI Bu wvm ɲwaanı DI pa wəənu maama joorı tı fɔgı daanı dı DI. DI Bu Zezi na tıgı tıvı-dagara kam baña nı yi o jana nuñı tın mu pɛ wəənu maama joorı tı fɔgı daanı dı We, kv na yi lvgv baña wəənu dı weyuu wəənu maama.

²¹ Kv nan na yi abam, abam deen baɲwe dı We, á yi We dına mu. Abam wɔvɲa dı á tıtvɲa maama deen lagı wo-lwaanv yıranı mu sı á taá kv.

²² Kɔ daari lele kuntu, We laan pe á fɔgi daanu di DI, DI Bu wɔm na jigi nabiinu yi o daari o tu tin nwaani. We ki kuntu si á wani á ba á zigi DI yigə ni di wu-pono mu, si á taá yi non-nɔna balu na ba jigi wo-lɔɔ tin.

²³ Abam nan manɔ si á taá togi We ciga kam di á wu-didua, si á zigi kɛnkɛ. Á wu manɔ si á pa á wɔbɔɔ lani di tina yalu á na jigi We kwɛ-ywɛɔ kam nwaani tin. DI kwɛ-ywɛɔ kam kuntu mu yi kwɛə kalu abam na manɔ á ni yi ba toli-ka ba bri lugu bɔɔ nɔɔna maama tin. Amu Pooli nan yi We tintɔɔni si a taa toli DI kwɛ-ywɛɔ kam kuntu mu.

Pooli na tɔɔni Zezi nɔɔna bam nwaani te tin

²⁴ Amu jigi wupolo di a na yaari te abam nwaani tin. Kɔ na ce a yira ni te tin, kɔ nyi ni Zezi Kri si na yaari te tin mu. A yaari yaara yalu na daari si di yaari Zezi titɔɔna yam nwaani tin mu, si kɔ zani o non-kɔɔ kum na nyi di o yira yam tin lanyirani.

²⁵ We tɔɔni-ni si a taa tɔɔna a pa-ba mu. Titɔɔni diim kuntu mu yi si a kwaanɔ a toli We kwɛə kam maama a bri abam.

²⁶ Kɔ na zigi pulim ni tin, We ciga kam kuntu deen sɛgi mu nabiinɔ tee ni, yi We laan pa balu na yi DI nɔɔna tin ba ba lwarɔ-ka.

²⁷ Kɔ yi We titi wɔbɔɔ mu lagi si DI pa ba lwarɔ DI ciga kam kuntu. DI lagi si lugu bɔɔ dwi maama tiinɔ mu lwarɔ DI ciga kam na tiini ka jigi lam di zulɔ te tin. We ciga kalu deen na sɛgi yi ka laan ba ka lwarɔ jaja tin mu yi si Zezi

Krisi wɔ abam bɛcara ni, yi ku pa á jigi tɔna ni á wó na paari-zulə Wε tee ni.

²⁸ Kuntu ηwaani dibam yəni dí tɔɔli Zezi Krisi kwərə mu dí bri nɔɔna maama, yi dí kaani-ba di swan yalɔ Wε na pε dibam tin, si dí pa ba maama laan wani ba ba ba zigi Wε yigə ni, ni balɔ wɔbɔɔna na biɔa di Zezi Krisi tɔgum dim tin.

²⁹ Kuntu mu amɔ nan tiini a kwaanɔ a tɔɔa. Ku nan yi Zezi dam-fɔrɔ kum o na pε-ni tin mu pai a jigi dam a ma a tɔɔi kuntu.

2

¹ Amɔ lagi si abam lwarɔ a na tiini a tɔɔi te abam ηwaani, ku wəli di Wε nɔɔna balɔ na wɔ Lawodise ni, di nɔɔna zanzan balɔ yi ta na wɔ nε amɔ tin di ηwaani.

² Amɔ tiini a kwaanɔ kuntu, si ku pa Wε nɔɔna bam maama wani ba taa jigi baari mu, si ba daari ba taa ηwi daani di sono. Kuntu wó pa ba zigi lanyirani di ba na tiini ba lwarɔ Wε ciga kam te tin, si ba lwarɔ Wε ciga kalɔ ya na səgi tin, yi ciga kam kuntu mu yi Zezi Krisi titi.

³ Wɔntu mu yi wɔlɔ na pai nɔɔna lwarɔ swan di yəno kulɔ maama na yi Wε nyum, ti na jigi kuri zanzan yi ti səgi tin.

⁴ A nan tagi kuntu a bri abam, si á yi pa nɔɔn-nɔɔnɔ gani abam, di o na manɔ o ηɔɔni swan taani te maama di.

⁵ Ku nan na yi amɔ na təri abam tee ni tin di, a wɔbɔɔna maama wɔra di abam. Kuntu ηwaani ku pε-ni wɔpolo di a na lwarɔ ni á tɔgi cwəɔɔ yi á zigi kəɔkəɔ, á na jigi wɔ-dɔɔba di Zezi Krisi tin ηwaani.

Nɔwɔ-dɔŋa kalɔ dɔ na jɔgɔ Zezi ŋwaanɔ tɔn

⁶ Abam nan na sɛ sɔ Zezi Krisi taa yɔ abam Yuutu tɔn, kɔ maŋɔ sɔ á taá ŋwɔ dɔd-o mu.

⁷ Nan fɔgɔ-na á zɔgɔ kɛŋkɛŋ nɔ tiu bɔnnɔ na zɔ tɔga te tɔn, sɔ á daari á kwaanɔ á taá jɔgɔ wɔ-dɔdɔba dɔd-o nɔ ba na maŋɔ ba zaasi abam te tɔn, sɔ á taá kɔ Wɛ le zanzan maŋa maama.

⁸ Á nan cɔ á tɔtɔ, sɔ á yɔ pa nɔɔn-nɔɔnɔ ganɔ abam dɔ o swan yalɔ na ba jɔgɔ kuri tɔn. Yantɔ yɔ nabiinɔ wɔbɔŋa yalɔ na tɔgɔ ba nabaara mu tɔn mu. Ya yɔ lɔgɔ baŋa nyɔm mu, sɔ ya dai Krisi nyɔm.

⁹ Bɛŋwaanɔ, Baŋa-Wɛ na yɔ tɔte maama tɔn, Zezi Krisi dɔ yɔ kɔntɔ donɔ mu fasi.

¹⁰ Abam na ŋwɔ dɔ Zezi tɔn, á maŋɔ á na Wɛ wo-laaru tum maama á jɔŋi o tee nɔ. Wɔntɔ mu te woŋo kulɔ maama na jɔgɔ dam nabiinɔ baŋa nɔ tɔn.

¹¹ Abam na ŋwɔ dɔ Zezi Krisi tɔn, o lɔ á wɔbɔŋ-lwaanɔ tum maama mu, sɔ tɔ daa yɔ taa jɔgɔ dam á baŋa nɔ. O na fɔgɔ o kwe abam kɔntɔ tɔn, kɔ nyɔ dɔ ba na goni bɛkɛri te tɔn mu. Kɔ nan dai nɔ nabiinɔ na goni te tɔn, kɔ yɔ Zezi Krisi ŋwaanɔ mu.

¹² Bɛŋwaanɔ, ba na miisi abam na wɔnɔ tɔn, kɔ brɔ nɔ ba ya kɔ abam dɔ, nɔnɛɛnɔ Zezi Krisi na tɔgɔ yɔ ba kɔ-o te tɔn mu. Kɔ kwɛri kɔ brɔ nɔ á joori á bi á na Wɛ ŋwɔ-dɔŋa kam, bɛŋwaanɔ á jɔgɔ wɔ-dɔdɔba dɔ Wɛ na mɛ Dɔ dam dɔm Dɔ bi Zezi Dɔ pa o yagɔ tɔnɔ tɔn.

¹³ Abam dɛɛn ya ba jɔgɔ ŋwɔa Wɛ tee nɔ á na kɔ kɛm-balwaarɔ tɔn ŋwaanɔ. Abam dɛɛn ya tɔgɔ á dai Wɛ nɔɔna á na dai Zwifɔ tɔn ŋwaanɔ. Wɛ

laan nan pe á na DI ηwt-dɔŋa kam á na ηwt dɪ Zezi tun ηwaanɪ. Wε nan yagɪ dɪbam lwarɪm maama DI ma ce dɪbam.

¹⁴ Ba na pagɪ Zezi Krisi tɔɔn-dagara baŋa nɪ tun, kɔ yɪ nɪnɛnɪ ba pagɪ cullu tɔnɔ kulɔ na brɪ nɪ dɪbam kɪ dí cɔgɪ tun mɔ. Wε brɪ nɪ tɔnɔ kɔm kɔntɔ daa ba jɪgɪ kuri, yɪ dɪbam lwarɪm dɪm maama ti.

¹⁵ Zezi mɔ want wɔŋo kulɔ maama na jɪgɪ dam nabiinɔ baŋa nɪ tun, yɪ o cɔgɪ tɪ maama dam. O tɔɔnɪ dagara kam baŋa nɪ mɔ Wε mε DI brɪ nɔɔna jaja nɪ o jɪgɪ dam wəənu tɪm kɔntɔ maama baŋa nɪ, nɪ nɔɔnɔ na want o dɔna yɪ o ja-ba o vɔ te tun.

¹⁶ Kɔntɔ ηwaanɪ, abam yɪ sε sɪ nɔɔn-nɔɔnɔ pa abam culu dɪ á na dɪ kulɔ naa á na nyɔ kulɔ tun. Á yɪ pa nɔɔn-nɔɔnɔ brɪ abam á na wó lɪ da yalɔ sɪ ya taa yɪ candiə da naa can-dɔŋa dε naa siun dε ηwaanɪ tun.

¹⁷ Cullu tɪm kɔntɔ daa ba jɪgɪ kuri. Tɪ dɛen yɪ luluŋu mɔ, sɪ tɪ brɪ cɪga kalɔ na lagɪ ka ba tun. Cɪga kam kɔntɔ nan mɔ yɪ Zezi Krisi.

¹⁸ Á yɪ sε á pa nɔɔna balɔ na yaari ba tɪtɪ yɪ ba zuli malesɪ dɪ vwan tu-n-tɪtɪ tun ganɪ abam. Ba yəni ba tε ba wɪ, Wε mɔ brɪ-ba kɔntɔ wɔŋo, yɪ ba wɔbɔŋa nan dai Wε nyɪm. Kɔ yɪ ba zəŋi-n-tɪtɪ wɔbɔŋ-kamunɔ mɔ ba jɪga, kɔ nan yɪ kafe mɔ.

¹⁹ Bantɔ nan daa ba ηwt dɪ Zezi. Wɔntɔ mɔ yɪ dɪbam Yuutu, yɪ dí ηwt did-o nɪnɛnɪ nɔɔnɔ yɪra na tɔŋɪ dɪ o yuu te tun. Zezi ηwaanɪ mɔ dí wəli daanɪ dí tɔŋa, nɪ nɔɔnɔ yɪra na jɪgɪ pɔɔrɪm dwi təri təri yɪ ya tɔŋɪ tɪtɔŋɪ didɔba te tun. Wɔntɔ mɔ

zəni dıbam yı dí ve yigə Wε cwəŋə kam wəni nı Wε na lagı te tın.

²⁰ Abam na se Zezi Krisi tın, kú nyı dí á tɔgı dıd-o á tı mɔ te. Kuntɔ ɲwaanı lɔgɔ baŋa wɔbɔŋ-yɔɔrɔ tım daa ba jıgı dam abam baŋa nı. Bεε mɔ yı á nan ta kı nıneeni á yı lɔgɔ baŋa nyım mɔ te?

²¹ Bεε mɔ yı á se cullu tıɔ na brı nı yı kwe kuntɔ naa yı ta n di kuntɔ naa yı dwe kuntɔ tın?

²² Cullu tım kuntɔ nan wɔra wəənu tıɔ na wó ba tı cɔgı tın ɲwaanı mɔ. Cullu tıɔ ba na brı abam kuntɔ doŋ tın yı nabiinə wɔbɔŋa mɔ. Tı wɔ nuŋi Wε te.

²³ Wəənu tım kuntɔ nyı nı swan mɔ ba na maı ba tıti wɔbɔŋa ba ma zuli-tı. Ba ma tu ba tıti yı ba beesi ba yıra. Cullu tım kuntɔ yı nıneeni tı jıgı kuri mɔ te, tı nan yı kafe mɔ. Tı warı tı wəli nɔɔna sı ba ja ba tıti dí wo-zɔɔna yalɔ ba fra na zɔɔrı tın.

3

¹ Abam na ne Wε ɲwi-dɔŋa kam tın, kú nyı dí á tɔgı dí Zezi Krisi mɔ á joori á bi á yagı tɔɔnı. Kuntɔ ɲwaanı, pa-na Wε-sɔŋɔ wəənu tım taa jıgı fra dí abam, sı dáanı mɔ Zezi Krisi je Baŋa-Wε jazım nı.

² Pa-na á wɔbɔŋa tiini ya zɔ Wε-sɔŋɔ wo-laaru tım, sı kú yı taa yı lɔgɔ baŋa wo-yɔɔrɔ tım.

³ Abam na yagı lwarım cwəŋə tın, kú nyı dí á tıgı mɔ te, yı á laan na ɲwi-dɔŋa dí Zezi Krisi, yı á ɲwia kam səgi Wε tee nı.

⁴ Abam ɲwia kam cıga cıga mɔ yı Zezi Krisi. Kuntɔ ɲwaanı, o na joori o ba o brı o tıti jaja

dı o paarı-zulə yam, abam dı wó tɔgı dıd-o á na paarı-zulə.

Wε ηwi-dɔŋa kam na yi te tın

⁵ Abam nan maŋı sı á lı lɔgɔ baŋa wɔbɔŋ-lwaanɔ tım mɔ á bıcara nı, sı á yi zaŋı á se-tı. Kɔ na yi boorım naa wo-zɔɔna kikiə naa ka-laga, naa kɔ na yi á fra na zɔɔrı wo-yɔɔrı tıɔ tın, naa á na pa á yi sui wəənu tıɔ tın, á yi se wɔbɔŋa yam kɔntɔ doŋ. Nmɔ na paı n yi sui wəənu, kɔ brı nı n paı tıntɔ mɔ zulə yi n daarı Wε n yaŋı.

⁶ Wo-balwaarɔ tıntɔ ηwaanı mɔ Wε banı wó zaŋı [dı nabiinə balɔ maama na vın Dı ni tın].

⁷ Abam dı ηwıa kam maama deen yi kɔntɔ mɔ.

⁸ Kɔ daarı lele kɔntɔ, á maŋı sı á lı wo-balwaarɔ tım kɔntɔ maama mɔ á bıcara nı. Kɔ na yi ban-zɔŋɔ dı ka-culi-daanı dı pu-sıŋa. Á yi taá twı nɔɔna. Á yi taá maı á niə á ηɔɔnı wo-zɔɔna ηwε.

⁹ Á yi zaŋı á fɔ vwan á pa daanı. Beŋwaanı abam yaŋı á ηwi-dɔŋə kam dı ka kikiə maama,

¹⁰ yi á laan daarı á jıgı ηwi-dɔŋa mɔ. Wε mɔ pε abam ηwi-dɔŋa kam kɔntɔ. Dı maa kwε-ka sı ka taa nyı dı Dı tıti ηwıa, sı á wanı á fɔgı á lwarı Dı na yi te tın.

¹¹ Kɔntɔ ηwaanı, balɔ na jıgı Wε ηwi-dɔŋa kam tın, kampwara daa təri ba wɔnı. Zwifə dı dwi-gε tiinə maama yi bıdwı mɔ. Balɔ na goni ba bəkəri dı balɔ na wɔ goni tın maama yi bıdwı mɔ. Balɔ yi na wɔ pɔɔrı dı balɔ ba na ba nıgı tın, kɔ wəli dı gambε dı balɔ na te ba tıti tın maama yi bıdwı mɔ. Ba maama wɔra Zezi Krisi ηwaanı mɔ, yi o ηwi dı ba maama.

¹² Wε mu kuri abam si á taá yi DI noona, yi DI soe abam. Kuntu ηwaanı, taá jıgı-na da-ηwanja, si á taá kı-da lanyıranı. Taá tu-na á titı da-tee ni, si á taá jıgı wu-bono dı wu-zuru.

¹³ Á taá jıgı-na wu-zuru da-ηwaanı. Abam wuwb na jıgı juu dı o doη, si á yagı á ma ce daanı, ni dí Yuutu Zezi na yagı á lwarım o ma ce abam te tın.

¹⁴ Kulı na dwe maama tın, taá soe-na daanı, si ku pa á wanı á taá jıgı ni didıba lanyıranı.

¹⁵ Pa-na wu-zuru kulı Zezi Krişı na pe abam tın taa te á wubuηa maama. Beηwaanı Wε kuri abam si á ji woηo didıba mu, si á taá jıgı wu-zuru kuntu doη. Maηa maama si á taá kı Wε le.

¹⁶ Pa-na Zezi Krişı taanı dım tiini dı zu á bıcara, si á taá maı swan yalı Wε na pe abam tın á kwe daanı, si á daarı á taá kaanı daanı. Taá leeni-na Wε læη-ηwı dı Wε tiə le dı Wε Joro kum na pe abam le sıb tın. Á taá leeni kuntu á zuli Wε, si á taá kı DI le.

¹⁷ Woηo kulı maama abam na wú kı tın, ku na yi á ni-ηwanja naa á jıηa tituηı, si á pa ku taa yi dí Yuutu Zezi yırı ηwaanı, si á daarı á taá kı dí Ko Wε le Zezi Krişı ηwaanı.

Nɔɔnɔ maama na maηı si o taa ηwı te ηwı-duηa kam wɔnı tın

¹⁸ Kaana-ba, á maηı si á taá se á banna, beηwaanı kuntu yi woηo kulı na maηı dı dí Yuutu Zezi wubuηa tın mu.

¹⁹ Ku daarı kan-banna-ba, á dı maηı si á taá soe á kaana, si á yi taá kı cia dı ba.

²⁰ Biə-ba, á na se dí Yuutu Zezi tɪn, kɔ maɲɪ sɪ á se á tiinə ni woŋo maama wɔni, sɪ kɔntɔ mɔ yɪ woŋo kɔlɔ na poli Wɛ wɔ tɪn.

²¹ Kɔ daari abam balɔ na yɪ biə kwə tɪn, á yɪ taá tiini á fi-ba, sɪ kɔntɔ wó pa ba wɔrɔ cɔgi yɪ ba ga baari.

²² Kɔ na yɪ abam balɔ na yɪ gambe tɪn, á taá tɔɲɪ á tɔgi á yum tiinə wɔbɔɲa woŋo maama wɔni. Kɔ nan dai ba na zigi ba nii abam maɲa kalɔ yɪranɪ tɪn mɔ á wó kɪ kɔntɔ sɪ ba tee abam. Nan taá tɔɲɪ-na dɪ á wɔ maama, á na kwari dí Yuutu wɔm tɪn ɲwaanɪ.

²³ Woŋo kɔlɔ maama á na wó tɔɲɪ tɪn, á taá tɔɲɪ dɪ á wɔ maama. Pa-na á na kɪ te tɪn taa yɪ dí Yuutu wɔm ɲwaanɪ, sɪ kɔ taa dai nabiinə ɲwaanɪ.

²⁴ Bɛɲwaanɪ abam ye ni dí Yuutu Zezi Krisi wó pa abam pɛeri dɪlɔ o na tiɲi sɪ o pa o nɔɔna bam Wɛ-sɔɲɔ ni tɪn. Wɔntɔ mɔ yɪ á yuutu wɔlɔ á na tɔɲɪ á pa-o tɪn.

²⁵ Kɔ daari wɔlɔ maama na kɪ balɔrɔ tɪn wó jɔɲi balɔrɔ ɲwɪrɔ mɔ, sɪ kɔ maɲɪ dɪ o titɔɲa yam na yɪ te tɪn. Wɛ nan tɔgi cɪga mɔ Dɪ mai Dɪ dɪ nabiinə taanɪ, sɪ Dɪ ba kuri nɔɔna daanɪ.

4

¹ Kɔ daari abam balɔ na yɪ gambe sɪm yum tiinə tɪn, á taá kɪ cɪga dɪ kɔlɔ na maɲɪ tɪn dɪ ba. Á nan taá ye ni abam dɪ jɪgi yuutu o na te abam Wɛ-sɔɲɔ ni.

² Á tiini á kwaanɪ á taá loori Wɛ, sɪ á cɪ á titɪ lanyɪranɪ, sɪ á taá kɪ Dɪ le.

³ Á nan taá loori Wε á pa dɪbam dɪ, sɪ Dɪ pa dí na cwəŋə dí taá tɔɔlɪ Zezi Krisi cɪga kalɔ na səgi tɪn kwərə dí brɪ nɔɔna. Kɔ nan yɪ amɔ na tɔɔlɪ Zezi kwərə kam tɪn ŋwaanɪ mɔ pɛ a wɔ pɪna digə nɪ.

⁴ Loori-na Wε á pa-nɪ, sɪ a wantɪ a pa nɔɔna lwarɪ cɪga kam kɔntɔ maama fasɪ. Mɔ tɪtɔŋɪ dɪlɔ Wε na pɛ amɔ sɪ a tɔŋɪ tɪn.

⁵ Á cɔ-na á tɪtɪ dɪ á na ŋwɪ te dɪ balɔ na ba tɔgɪ Zezi tɪn tɪtarɪ nɪ, á taá kɪ lanyɪranɪ sɪ ba yɪ na á wo-lɔŋɔ. Wε na pɛ abam pɔwələ sɪ á kɪ kɔlɔ, sɪ á pa kɔ ja kuri lanyɪranɪ.

⁶ Pa-na á ni-taanɪ taa lana, sɪ dɪ taa jɪgɪ ywəəni, sɪ á daari á taá ye á na wó ləri nɔɔnɔ maama taanɪ te tɪn.

Tiim kwərə

⁷ A lagɪ a tɔŋɪ dí ko-bu-sono Tisiki sɪ o ba abam te. Wɔntɔ mɔ yɪ wɔlɔ na tɔŋɪ o pa dí Yuutu Zezi dɪ cɪga tɪn. Dɪbam maama wəli daanɪ mɔ dí tɔŋɪ dí paɪ dí Yuutu wɔm.

⁸ Amɔ yɔɔrɪ a tɔŋ-o sɪ o ba o ta amɔ labaarɪ maama na yɪ te tɪn o brɪ abam, sɪ á bɪcara pəni tɪga nɪ dɪ á na wó lwarɪ dɪbam wɔŋo na yɪ te tɪn.

⁹ Dɪbam ko-bu-sono Onisim dɪ wó tɔgɪ o ba. Wɔntɔ nunjɪ abam kəgɔ kɔm wɔnɪ mɔ, yɪ o tɔgɪ Zezi dɪ cɪga. Bantɔ bale mɔ wó ta wɔŋo kɔlɔ maama na wɔra kɔ kɪ yo seenɪ tɪn ba brɪ abam.

¹⁰ Arisarɪkɪ wɔlɔ na tɔgɪ o wɔ pɪna digə nɪ dɪ amɔ tɪn jɔɔnɪ abam. Marɪkɪ wɔlɔ na yɪ Banabasɪ cɔrɔ tɪn dɪ jɔɔnɪ abam. Abam manɪ á jɔŋɪ ni nɪ, o na tuə, á wó jeer-o lanyɪranɪ.

¹¹ Zusitu wɔɔɔ yiri dɔdon na yi Zezi tun di jɔɔɔ abam. Ku na yi Zwifɛ balɔ na tu ba se Zezi tun, nɔɔna bantɔ batɔ yiranɔ mu yi balɔ na tɔgi ba tɔɔi We paari dɔm titɔɔa ba wɛli amɔ tun. Ba tiini ba pai a wɔ zurɛ.

¹² Epafraɔi wɔɔɔ na nuɔi abam kɔgɔ kɔm wɔɔɔ yi o tɔɔi o pa Zezi Krisi tun di jɔɔɔ abam. O kwaanɔ o loori We mu maɔa maama o pa abam, si á wanɔ á zigi kɛɔkɛɔ di baari, si á wɔɔɔɔa bi di We cwɛɔɔ kam tɔgɔm, si á taá ki DI wɔɔɔɔa na lagi kulɔ maama tun.

¹³ Amɔ titɔ wó wanɔ a ta a bri abam ni o sɔɔɔ o tiini o tɔɔi o wɛli abam, ku wɛli di nɔɔna balɔ na zɔɔɔi Lawodise di Yirapolisi ni tun.

¹⁴ Dɔɔam badɔɔ-sono Luki wɔɔɔ na yi dɔgita tu tun dɔdaani Demasi di jɔɔɔ abam.

¹⁵ Jɔɔɔ-na dí ko-biɛ balɔ na tɔgi Zezi yi ba zɔɔɔi Lawodise ni tun á pa dɔɔam, ku wɛli di Nimfa di Zezi kɔgɔ kulɔ na yɛni ku jeeri daani o sɔɔɔ ni tun.

¹⁶ Abam na jɔɔi amɔ tɔɔɔ kɔm yi á na karɔmɔ á ti, si á laan pa-ku Zezi kɔgɔ kulɔ na zɔɔɔi Lawodise ni tun, si ba di karɔmɔ. Ku daari si abam di jɔɔi amɔ tɔɔɔ kudɔɔ bantɔ di tee ni á di karɔmɔ.

¹⁷ Ta-na á bri Arisipi si o kwaanɔ o tɔɔi titɔɔi dɔɔɔ dí Yuutu Zezi na pɛ-o si o tɔɔi tun o ti.

¹⁸ Amɔ Pooli mu jɔɔɔ abam. A titɔ laan mu pɔpɔni tintɔ di a jɔɔa. Á yi zanɔ á swe a na wɔ pɔna digɛ ni tun ni ni.

We wó pa abam yu-yoɔo.

Wε Tɔno dɪ kasum

Kasem (Kassem): Wε Tɔno dɪ kasum New Testament

copyright © 1997 Wycliffe Bible Translators, Inc.

Language: (Kasem)

Contributor: Wycliffe Bible Translators, Inc.

All rights reserved.

2020-11-18

PDF generated using Haiola and XeLaTeX on 28 Dec 2024 from source files dated 29 Jan 2022

993cfae5-b100-5981-87e7-5a648d773cb9